

吳克潛增注

王孟英著  
舌辨

上海大眾書局印行

中華民國三十六年三月重版

舌

辨

全一冊

▲定價

實價祇收一角  
(外埠酌加郵費)

編著者 王孟  
增註者 吳克  
發行者 樊劍  
印刷者 大衆書局剛潛英

出版者 大衆書局剛潛英

總發行所 上海四馬路 大衆書局

代售處 各省各大書局



# 序

六淫之邪之于人也以足三陽爲多足三陽中尤以足陽明爲多蓋足陽明胃乃藏府營養物輸送大道上通咽喉下接大腸故陽明經府受邪氣化上蒸無不各各現形于舌然病之係于舌者以熱病爲多寒病次之有正陽明病有太陽陽明合病有少陽陽明合病有三陽合病又有自三陰經而傳入陽明者無不繫之于舌故察看舌色爲醫學上必要之件然則醫家臨症以望聞問切並重而察看舌色不過居望中一部自來在診斷上其關於舌苔之一種散見于傷寒金匱中藏外臺千金活人諸書者尤復不少而欲其分門別類考證精詳成一專書者未之見後世名醫更不能注意及此不知舌苔之于陽明病或兩感病最關重要且陽明病占六淫病中大部分欲求診

察正確非有最詳明之察舌專書不可不學如予安敢于醫學上特創一格爲後世法不過爲自己臨症便利計特就古今名家醫書中所會見者採集而編訂之暫定名曰舌辨卷中大別爲六部共計百二十種略注病症湯液藏之行篋聊作平時參考之需然其中遺漏者尤復不少此當待後之賢者有所補正也癸丑長至日王士雄自序

# 舌辨目次

## 白苔舌總論

微白滑苔舌	一
薄白滑苔舌	二
厚白滑苔舌	三
乾厚白苔舌	三
白苔黃心舌	四
白苔黃邊舌	四
邊白幹黑舌	五
白滑苔尖灰刺舌	五
白苔滿幹黑刺舌	六
白滑苔黑心舌	六
半邊白滑舌	七
膩結半白滑半黑黃舌	七

白苔黑斑舌	八
白苔燥裂舌	八
白苔黑根舌	九
白苔黃根舌	九
白苔雙黃舌	一〇
白苔雙黑舌	一〇
白苔雙灰舌	一一
白尖中紅黑根舌	一一
白苔尖紅舌	一二
白苔紅心舌	一二
白苔變黃舌	一三
白尖紅根舌	一三
白苔尖灰根黃舌	一四
白苔根尖俱黑舌	一四

淡白透明舌	一五
熟白舌	一五
白苔如積粉舌	一六
<b>黃苔舌總論</b>	一六
純黃微乾舌	一七
微黃苔舌	一八
黃乾舌	一八
黃苔黑滑舌	一八
黃苔中黑通尖舌	一九
老黃隔瓣舌	一〇
黃尖舌	一〇
黃尖灰根舌	一二
黃尖紅根舌	一二
黃尖黑根舌	一二
黃苔黑刺舌	一二

滿脹大黃舌	一三
黃尖白根舌	一三
黃根尖白中赤舌	一四
黃根白尖短縮舌	一五
<b>黑苔舌總論</b>	一五
黑苔瓣底紅舌	一六
純黑舌	一六
黑苔瓣底黑舌	一七
滿黑刺底紅舌	一七
刺底黑舌	一八
黑爛自嘲舌	一八
中黑邊白苔舌	一九
紅邊中黑滑舌	一九
通尖黑乾邊白舌	二〇
邊黑紅暈舌	二〇

中燥舌.....三一

中黑乾燥舌.....三一

黑中無苔枯瘦舌.....三二

黑乾短舌.....三二

## 灰色舌總論.....三三

純灰舌.....三三

中灰尖根紅舌.....三四

灰黑乾苔裂紋舌.....三四

根灰中紅尖黃舌.....四五

灰色重暉舌.....四五

灰黑乾刺舌.....五六

灰黑尖舌.....三六

灰黑尖乾刺舌.....三七

灰中黑滑舌.....三八

灰黑多黃根少舌.....三八

邊灰中紫舌.....三八

紅色舌總論.....三九

純紅舌.....三九

尖紅中淡黑舌.....四〇

紅中焦黑舌.....四一

紅內黑尖舌.....四一

紅色人字紋裂舌.....四二

紅斷橫紋裂舌.....四二

紅色紅星舌.....四三

舌紅炕爛舌.....四三

紅色紫瘡舌.....四四

紅中微黃根舌.....四四

紅中微黃滑舌.....四五

紅脹長出口外舌.....四五

紅餳舌.....四五

紅痿舌.....四六

舌辨目次

舌根紅硬	四七
紅尖出血舌	四七
紅中雙灰乾舌	四八
紅尖白根舌	四八
紅戰舌	四九
紅短白庖舌	四九
紅細枯長舌	五〇
通尖邊紅黑乾舌	五〇
紅尖紫刺舌	五一
紅尖黑根舌	五一
紅嫩無津舌	五二

## 紫色舌總論

五一

純紫舌	五三
紫中紅斑舌	五四
紫上白滑舌	五四
淡紫青筋舌	五四

## 徽醬色舌苔總論

五九

純徽醬色舌	五九
中徽浮厚舌	六〇
徽色中黃苔舌	六〇

## 藍色舌苔總論

六一

純藍舌	六二
藍紋舌	六二

紫上赤腫乾燥舌	五五
紫上黃苔乾燥舌	五五
紫短舌	五六
紫上黃苔溼潤舌	五六
紫尖蓓蕾舌	五七
熱紫老乾舌	五七
淡紫帶青舌	五八
淡紫灰心舌	五八

# 妊娠傷寒舌總論

六二

孕婦傷寒白苔舌	六三
孕婦傷寒黃苔舌	六三
孕婦傷寒灰黑舌	六四
孕婦傷寒純赤舌	六四
孕婦傷寒紫青舌	六五
孕婦傷寒卷紅舌	六五

## 跋

## 附方備攷

一 一

王孟英原著  
吳克潛增註

# 舌辨

## 白苔舌總論

傷寒邪在皮毛。初則苔有白沫。次則白涎白滑。又次白屑白疮。有舌中舌尖舌根之不同。是寒邪入經之微甚也。舌乃心之苗。心屬南方火。當赤色。今反見白色者。是火不能制金也。初則寒鬱。皮膚毛竅不得疎通。熱氣不得外泄。故惡寒發熱。在太陽經。則頭痛身熱。項背強。腰脊疼等證。傳至陽明經。則有白屑滿舌。雖證有煩燥。如脈浮緊者。獨當汗之。在少陽經者。則白苔白滑。用小柴胡湯和之。腎虛者。理中湯溫之。如白色稍變黃者。大柴胡大小承氣分輕重下之。白舌亦有死證。不可忽視也。

微白滑苔舌

微白

紅 淡

一

寒邪初入太陽。頭疼身熱惡寒。舌色微白有津。  
香蘇散羌活湯之類。散之。

薄白滑苔舌

薄白

紅 深

二

此太陽裏證舌也。二三日未曾汗。故邪入丹田漸深。急宜汗之。或太陽與少陽合病。有此舌者。柴胡桂枝湯主之。

【註】

薄白滑苔。若溼而多津。固宜辛溫汗解。若舌尖深紅。則

究宜用清涼或辛涼之藥爲妥。蓋傷寒初起現此苔。宜汗。而溫病初起現此苔。亦間有宜下之以存津者。(如舌滿紅。苔刮之不去。大便燥結。口氣穢濁者。)惟酌中之法。終以輕清之劑。涼解氣分爲是。

厚白滑苔舌

厚白



乾厚白苔舌

乾厚白

病三四日其邪只在太陽。故苔純白而厚。却不乾燥。其證頭痛發熱。脈浮而緊。解表自愈。  
病四五日未經發汗。邪熱漸深。少有微渴。過食生冷。停積胸中。營熱胃冷。故令發熱煩燥。四肢逆冷而白苔乾厚。滿口白屑。宜四逆散加乾姜。

【註】治病當兼察形證。若熱象著者。當用苦寒清熱之劑。或

太陽病過服寒劑。抑遏其熱而致。宜先以薑桂徹其寒。後以香蘇飲汗之。寒熱往來。邪在少陽者。宜小柴胡湯。

### 三

此苔若口不乾。舌不燥。無汗惡寒者。表證畢具。固宜麻黃湯之類發汗。倘爲溼邪所成。則宜清溼泄水而不宜發汗。或溫病熱邪外達。苔雖厚白滑而不潤者。則宜用辛涼之劑以解肌清熱。非僅執解表一法也。

白苔黃心舌



二

氣下之。

【註】微黃而潤。宜葛根湯。苔燥口渴煩躁。宜白虎湯合三黃

湯。亦有表證裏證同俱者。宜雙解散。

白苔黃邊舌



六

舌中見白苔。邊有微黃者必作泄。宜用解毒湯。  
惡寒者。五苓散。

【註】此苔如惡寒腹瀉者。宜五苓散加薑豉。惡熱泄瀉者。宜

敗毒散加葛根木香。如裏急後重。亦白痢下者。宜芩連  
治痢湯。便結者。亦可用調胃承氣湯酌下。

邊白幹黑舌



七

白滑苔尖灰刺舌



八

此陽明府兼少陽舌也。三四日自利脈長者生。  
弦數者死。如有宿食用大承氣下之。十人中可活五。

【註】夾食者宜消食積。溼熱不解。心肺熱極。宜重用苦寒之劑以清之。總之從下法之中。加以變化可也。

此陽明兼太陽舌也。其苔邊白中心幹黑者。因汗不徹。傳至陽明所致。必微汗出。不惡寒脈沈者可下之。如二三日未曾汗。有此舌必死。

【註】病之初起。治之宜徹。傷寒初起。汗解宜澈。而溫病初起。錯黑白並見也。此時應辨其白多黑少。可汗者宜急汗之。俟汗後再議。下黑多白少。可下者宜急下之。或表裏雙解。內清外徹。遲則每致不救。

白苔滿幹黑刺舌

九

自苔中滿幹生黑芒刺。乃少陽之裏證。不惡寒反惡熱者。大柴胡加芒硝急下之。然亦危症也。  
【註】此苔乾燥粗澀。當然是急下之證。惟有真寒假熱之證。亦現此苔。當留心刮之卽淨而現光潤之象者。是宜用甘溫除大熱法以救之。

白滑苔黑心舌

黑

白

白

上

白苔中黑爲表邪入裏之候。大熱讒語。承氣等下之。倘食復而發熱。或利不止者難治。

【註】此苔表邪未解而裏熱已深。再解其表必致津液涸竭。故宜急下以救之。倘食復發熱。或利不止。是旣不堪表。又不堪下。無從措治。是邪盛正竭之死證也。

又不堪下。無從措治。是邪盛正竭之死證也。

半邊白滑舌

白

十一

參白虎湯。

臟結半白滑半黑黃舌

白滑

十二


或左或右半邊白苔。半邊或黑或老黃者。寒邪  
結在臟也。黃連湯加附子。結在咽者不能語言。  
宜生脈散合四逆湯可救一二。

黑黃

【註】此苔亦爲寒熱錯雜之候。故用藥亦宜寒熱錯雜。  
色漸化者可救。漸見乾厚者爲不治。

【註】亦有兩半邊俱見白滑苔者。皆爲半表半裏。疑難錯雜  
之證。

白苔黑斑舌



白苔燥裂舌



十三

白苔中有黑小斑點亂生者。乃水來尅火。如無惡候。以涼膈散承氣湯下之。十中可救一二。

【註】此苔燥濁而刮之不淨者。當然是急下之證。若刮之即

淨者。爲溼從熱化也。宜理溼清熱。並非危證。

傷寒胸中有寒。丹田有熱。所以舌上白苔因過汗傷營。舌上無津。所以燥裂。內無實熱。故不黃黑。宜小柴胡加芒硝。微利之。

【註】可下者宜急下之。虛下傷元氣者。用承氣湯合增液湯。

舌苔白而根黑。火被水尅之象。雖下亦難見功也。

白苔黑根舌

黑  
白

十五

【註】此苔根黑苔白。並非中間如截。乃白苔至根而漸黑也。  
若刮之退淨而舌上滋潤者。真寒而顯假熱之象。宜辛溫之劑。若刮之不退而舌燥無津者。真熱而顯假寒之象。宜寒涼之劑。

白尖黃根舌

黃  
白

十六

邪雖入裏而尖白末黃。不可用承氣。宜大柴胡湯加減。下後無證安臥神清可生。變症凶。

【註】白尖黃根苔爲白苔猶未完全化黃。邪雖入裏而猶未全爲裏證。故不爲承氣湯證。而宜用大柴胡湯。

白苔雙黃舌



白苔雙黑舌



## 十七

此陽明裏證舌也。黃乃土之色。因邪熱上攻。致令舌有雙黃。如脈長、惡熱、轉矢氣煩燥者。大柴胡調胃承氣下之。

【註】此苔並非惡候。按證治之。當無他變。脾胃有熱亦見此苔。祇清理脾胃自愈。

白苔中見黑色二條。乃太陽之邪入於胃。因太陽氣裏絕。故手足厥冷。胸中結痛也。理中湯瀉心湯選用。如邪結在舌根。咽嗌而不能言者。死證也。

【註】寒邪尙未表解。遽入裏而化火。熱逼脾胃。恆現此苔。宜苦寒清之下之。若中氣衰竭而現此苔者。則刮之舌心內潤。宜理中湯溫之。

## 白苔雙灰舌

此夾冷食舌也。七八日後見此舌而有津者可治。理中四逆選用。裏症則下之。得湯次日灰色去者可安。



十九

【註】此苔如滑而刮之舌心潮潤者。宜開鬱行滯。溫中散寒。用厚樸香附及附子理中湯之類。如乾而刮之舌心焦燥者。宜攻下清裏。用大承氣湯。有宿食者加消導化積之劑。

## 白尖中紅黑根舌

黑  
灰  
紅


白

二十一

舌尖白而根灰黑者。少陽邪熱傳府。熱極而傷冷飲也。如水停津液固結而渴者。五苓散。自汗而渴者。白虎湯。下利而渴者。解毒湯。如黑根多白尖中不甚者難治。

【註】此苔以黑根多少漸熱之重輕。若黑根多者。宜急下之。舌中不甚紅者。恐有不勝下之慮。故曰難治。

白苔尖紅舌



二十一

滿白滑舌而舌尖却甚鮮紅者。乃熱邪內盛而復感客寒。入少陽經也。小柴胡湯加減。  
【註】溫病亦有此苔。多由溼熱所致。治宜辛涼清熱。略佐芳

香化濁之劑。

此太陽初傳經之舌也。無汗者當發汗。解肌。亦有屬少陽經者。小柴胡湯主之。

白苔紅心舌



【註】白苔紅心。乃薄白之苔。或白滑之苔。中見紅心也。初病見此。固宜小柴胡湯加減。若病後見此。則爲脾胃已傷。

二十二

津液虧耗所致。治宜養陰爲要。

白苔變黃舌

黃滑



白尖紅根舌

二十四

二十三

少陽症罷。初見陽明裏症。故苔變黃色兼矢氣者。大柴胡湯下之。

【註】凡苔色由白而轉黃。自爲病邪由表傳裏所致。然因舌苔猶未全黃。而白苔猶未全退。是裏證雖現。尚可汗解。宜葛根湯。若溫病內熱煩躁。口渴譖語。則宜下之。

舌尖苔白。邪在半表半裏也。其症寒熱耳聾口苦脇痛脈弦。小柴胡湯和解之。

【註】凡白與黃並見之苔。或白與紅並見之苔。多爲表裏證並俱之候。白尖紅根舌。紅根者。血分內虧熱鬱於裏也。

白尖者。表解未澈也。故爲半表半裏證之宜和解者。

白苔尖灰根黃舌

黃白  
灰

二五

此太陽溼熱併於陽明也。如根黃色潤目黃小便黃者。茵陳蒿湯主之。

【註】此爲溼熱之苔。用茵陳蒿湯以清之。然因苔白則溼有遺留於表者。故加淡豆豉紫背浮萍使微從汗解。如是則溼之在內在外者各不相犯。均因利乘便而盡解。


白苔根尖俱黑舌

舌根尖俱黑而中白。乃金水大過。火土氣絕於內。雖無凶證。亦必死也。

【註】從略。

黑白  
黑

二六



淡白透明舌

透明

二十七

湯主之。

【註】似苔非苔爲胃虛。若光亮無苔爲津液枯槁。宜用六味

地黃湯生脈散之類以養陰。

透明

二十七

湯主之。

【註】似苔非苔爲胃虛。若光亮無苔爲津液枯槁。宜用六味

地黃湯生脈散之類以養陰。

熟白舌

純熟白

二十八  
白苔老極如煮熟者。心氣絕而肺氣乘虛於上也。始因食瓜果冰水等物。陽氣不得發越所致。爲必死之候。用枳實理中湯間有生者。

【註】熟白苔爲陽氣不得發越所致。則宜理中湯加附桂以急救之。卽停生冷亦可運化。殊不必用枳實瀉之也。

白苔如積粉舌

此舌乃瘟疫初犯裏原也。達原飲主之。見三陽表證。隨經加柴胡或葛根或羌活。見裏證者加大黃。

苔如積粉

二十九

〔註〕

積粉與熟白截然不同。一爲邪盛。一爲內虧。當細辨於老嫩糙膩之間。若瘟疫症白苔堆積。堅如鐵甲者。爲大

熱之證。急宜大劑寒涼以清之。白苔燥裂者。宜攻下之。

## 黃苔舌總論

黃苔者裏證也。傷寒初病無此舌。傳之少陽經亦無此舌。直至陽明病實。胃中火盛。火乘土位。故有此苔。當分輕重下之。初則微黃。次則深黃有滑。甚則乾黃焦黃。其證有大熱大渴。便祕讞語。痞結自利。或因失汗發黃。或蓄血如

狂皆經熱太盛。小便不利所致。若眼白如金。身黃如橘。宜茵陳蒿湯。五苓散。梔子柏皮湯等。如蓄血在上焦。犀角地黃湯。在中焦。桃仁承氣湯。在下焦。抵當湯。凡血症見血則愈。切不可與冷水飲之。必死。大抵舌黃其症雖重。若脈長者。中土有氣也。下之則安。脈弦下利。舌苔黃中有黑色者。皆危證也。

舌見黃苔胃熱之極。土色見於舌端也。急宜調

胃承氣湯下之。遲則恐黃老變黑爲惡候耳。

【註】凡熱象粗備而見此苔者。不必遲疑。宜急下之。否則熱

結不下。必生變證。若深黃而滑者爲溼。宜用茵陳梔子

黃

三十

湯。

純黃微乾舌



微黃苦舌

黑滑舌

乾黃

黃苦黑滑舌

微黃

三十一

舌微黃而不甚燥者。表邪失汗而初傳裏也。用大柴胡湯。若身目俱黃者。茵陳蒿湯。

【註】初病見此苦者。表邪將罷而入裏也。雙解散主之。表證未罷者。小柴胡湯合天水散。久病見此苦者。多屬溼熱。宜茵陳蒿湯。表解未澈。裏熱又重者。宜大柴胡湯。

黃乾舌

三十二

舌見乾黃。裏熱已極。急下勿緩。下後脈靜身涼者生。反此者死。

【註】舌見乾黃。雖瀉稀水亦宜急下。蓋熱結於內容有傍流者。結不行熱終不清也。

舌黃而有黑滑者。陽明裏證俱也。雖不乾燥。亦當下之下。後身涼脈靜者生。反此者死。

【註】此苦當分熱之深淺。酌用三黃白虎湯及大承氣湯。

三十三

黃苔黑斑舌

滿斑

三四

黃苔中亂生黑斑者。其證必大渴讞語。身斑者大承氣下之。如脈濇讞語。循衣摸床。身黃斑黑者不治。下出稀黑糞者死。

【註】此苔明爲急下之證。下後見乾黃之糞者可治。下後見稀黑之糞者不治。黃苔見黑點者治法同。

黃苔中黑通尖舌

三十五

黃苔從中至尖通黑者。乃火土燥而熱毒最深也。兩感傷寒必死。惡寒甚者亦死。不惡寒口燥咽乾而下利臭水。用調胃承氣湯下之。十中可救四五。口乾齒燥形脫者不治。

【註】

此爲心肺脾胃大小腸均熱極之候。宜三黃白虎合

大承氣湯急投之。遲則熱勢燎原不及救矣。



老黃隔瓣舌



三十六

舌黃乾濇而有隔瓣者。乃邪熱入胃。毒結已深。煩燥而渴者。大承氣湯。發黃者。茵陳蒿湯。少腹痛者。有瘀血也。抵當湯。結胸。大陷胸湯。

【註】此苔如見身面黃。宜茵陳蒿湯加大黃下之。蓋僅清溼

而不除熱。熱不退則鬱蒸而黃不能除也。

黃尖舌

舌尖苔黃熱邪初傳胃府也。當歸調胃承氣湯。

脈浮惡寒表證未罷者。大柴胡兩解之。

【註】此苔中根淡紅。乃陰分素虧所致。故用調胃承氣湯及

大柴胡湯時。宜加用人參生地以顧其正。



三十七

黃尖灰根舌

灰  
黃

三十八

柴胡加減治之。

【註】如煩躁直視。或轉變黑根者。俱宜承氣湯下之。

黃尖紅根舌

紅  
黃

三十九

【註】從略。

根紅而尖黃者。乃溼熱乘火位也。瘟熱初病多有此舌。涼膈解毒等藥。消息治之。

黃尖黑根舌

黑  
黃

四十

舌根黑多而黃尖少者。雖無惡證。脈恐暴變。而胃氣竭絕。此危證也。

【註】此苔全爲裏證。熱極之候。宜用大承氣湯倍加苦寒下之。若云胃氣竭絕之危證。則黃苔變爲全黑猶可治。豈有尖猶未黑獨不可治乎。

黃苔黑刺舌

滿黑刺

舌苔老黃極而中有黑刺者。皆由失汗所致。邪毒內陷已深。急用調胃承氣湯下之。十救一二。

【註】此苔亦宜大承氣湯倍加苦寒。調胃承氣湯猶嫌其姑息也。

四十一

滿脹大黃舌

黃色脹大

四十二

五苓散茵陳梔子黃連治之。

【註】此苔如不屬於溼熱發黃。亦宜酌用大承氣湯下之。

黃尖白根舌

白  
黃

四十三

氣湯。

舌根白而尖黃者。乃少陽經傳陽明府病也。如陽明證多者。小柴胡湯。如讖語煩燥者。調胃承

者小柴胡湯。讖語煩燥者調胃承氣湯方合。

【註】此條傳寫有誤。當作陽明證多者大柴胡湯。少陽證多

黃根尖白中赤舌

舌尖白中赤根黃者。乃表邪少。裏邪多也。天水散涼膈散。合用。如陽明無汗。小便不利。心中懊憹者。必發黃茵陳蒿湯。

黃赤白

四十四

【註】從略。

黃赤灰

四十五

黃根灰尖舌


舌乃火位。今見根黃尖灰。是土來侮火也。不吐不利心煩而渴者。乃胃中有鬱熱。調胃承氣加

川連治之。

【註】此苔內熱而心受胃火薰灼之象。故用調胃承氣湯加

清心火之劑以治之。

黃根白尖短縮舌



四十六

大承氣加姜半主之。

【註】若白尖多而中紅赤者。裏證中兼有表證。宜涼膈散下

之。

### 黑苔舌總論

傷寒五七日。舌見黑苔最爲危險候。表證皆無此舌。如兩感一二日間見之。必死。若白苔上中心漸漸黑者。是傷寒邪熱傳來之候。紅舌上漸漸黑者。乃瘟疫傳變壞證將至也。蓋舌本赤。今見黑者。乃水來尅火也。水極似火。火過炭黑之理。然有純黑者。有黑暈者。有黑刺者。大抵尖黑猶輕。根黑最重。如全黑而舌底亦黑者。雖神丹亦不救也。

黑苔辨底紅舌



#### 四十七

黃苔久而化黑。實熱亢極之候。又未經服藥。肆意飲食。而見脈伏。目閉口開。獨語譏妄等狀。若遇此證。必刮開舌苔。而視其瓣底。見淡紅色者。大承氣湯下之。

**【註】**此苔不論脈象如何。宜用三黃白虎湯加犀角枳實芒硝。以下奪熱勢。涼其血分。遲疑必致不救。

純黑舌  
黑

#### 四十八

滿舌黑苔。是火極似水。臟氣已絕。脈必代結。一二日必死。勿藥。然亦有用附子而生者。必明辨。

**【註】**純黑之舌。有潤有燥。潤者或光亮者。爲水極似火。宜理中湯重加附子。薑桂。苦燥而粗者。則爲熱極之證。急宜

苦寒攻下之劑。

黑苔辨底黑舌



黑刺底紅舌



五十

滿黑刺底紅舌

滿舌黑苔乾燥而生大刺。揉之觸手而響。刮開刺底有紅色者。心神尙在。雖火過極。下之可生。肥盛人多痰熱。感冒發熱。痞脹悶亂。一見此舌。急用大陷胸丸下之。後用小陷胸湯調理。


【註】亦宜照上法治之。遲則津液枯竭。必至十不救。一藥輕

必死不治。


四九

【註】宜大劑苦寒涼下之品以急救之。石膏硝黃均宜重用。

刺底黑舌



黑爛自噉舌



五十一

刺底黑者。言刮去芒刺底肉皆黑。勿藥必死。

【註】此苔比滿黑刺底紅者爲尤凶。證多不治。急救法亦無  
非大劑苦寒涼下之品。

五十二

舌黑爛而頻欲噉。或爛至根。雖無惡候怪脈。必  
死勿藥。

【註】或云惡楊梅瘡多有此舌。乃臟腑熱極而挾穢毒所致  
也。宜土茯苓作茶頻飲。以三黃銀花合承氣湯下之。間  
有可救。

中黑邊白苔舌



五十三

舌見中黑邊白而滑。表裏俱虛寒也。脈必微弱。證必畏寒。附子理中湯溫之。夏月過食生冷。而見此舌。則宜大順散冷香散選用。

【註】苔色潤澤光滑而刮之平靜者。自當照寒症治之。然黑苔微厚粗膩。雖滑而刮之不淨。外無寒證。脈非遲弱者。則屬實熱。宜用清涼之劑。如見灰黑浮滑之色爲溼。宜

五苓散平胃散之類。

紅邊中黑滑舌



五十四

舌黑有津。證見讞語者。必表證時不曾服藥。不戒飲食冷物。結滯于胃故也。虛人黃龍湯或枳實理中加大黃。壯實者備急丸熱下之。夏月中喝多有此舌。以人參白虎湯主之。

【註】此苔如見於素有痰溼之人。宜二陳湯合平胃散治之。蓋紅爲熱證。而黑滑則溼象也。

通尖黑乾邊白古

兩感一二日間便見中黑邊白厚苔者用大羌活湯然恐亦無濟矣。



### 五十五

【註】臟腑實熱故見通尖黑乾薰蒸溼氣故見邊白若譴語

煩躁宜白虎湯大承氣湯若兩感一二日間見此者宜

黑膏湯合調胃承氣湯大羌活湯過燥宜審用之。

邊黑紅暈舌

舌邊圍黑中有紅暈者乃邪熱入于心胞之候故有此舌宜涼膈合大承氣下之。

【註】此苔宜用清熱之劑如犀角連翹鮮生地鮮沙參元參



### 五十六

之類合承氣湯下之。

中燥舌

黑燥厚苔

黑乾燥

中黑乾燥舌

五十八

舌苔中心黑厚而乾爲熱盛津枯之候急宜生脈散合黃連解毒湯主之。

五十七

【註】挾宿食者亦有此苔若已下而苔猶不減乃宿滯結於中宮也實者潤而下之虛者宜生脈散合黃連解毒湯如刮之苔色潤者爲陰極似陽宜附子理中湯。

舌黑無苔而燥津液受傷虛火用事也急宜牛脈散合附子理中主之。

【註】此苔亦宜分熱極似寒及水極似火之別故於乾燥之中宜察其舌底枯燥及溼嫩以定其從寒從熱之治法。

黑中無苔枯瘦舌



五十九

傷寒八九日。過汗精枯。血燥舌無苔。而黑瘦。大便五六日不行。腹不硬滿。神昏不臥。或自呢喃歎息。炙甘草湯主之。

【註】此苔如爲津枯血燥。宜滋陰清燥。若爲直中少陰真寒之證。見厥逆昏沉。自利嘔吐之象者。宜四逆湯理中湯之類溫之。

舌乾黑而短。厥陰熱極已深。或食墳中肫所致。急用大承氣下之可救。十中一二。服藥後。糞黃熱退則生。糞黑仍熱者死。

黑

黑乾短舌

六十

附子肉桂乾薑地黃合生脈散救之。

【註】乾短之舌爲危急之證。下之則熱降而舌舒。遲則燎原莫挽。若陰涸陽亡而現此舌者。滋陰必先救陽。宜大劑。

## 灰色舌總論

灰色舌有陰陽之異。若直中陰經。則卽時舌變灰黑。而無積苔。若熱三陰。必四五日表證罷。而苔變灰色也。有在根在尖。在中之不同。有暈舌。俱灰黑者。大抵傳經熱症。則有灰黑之苔。皆當攻下泄熱。若直中三陰之灰黑無苔者。卽當溫經散寒。又有蓄血症。其人如狂。或瞑目譏語。亦有不狂不語。不知人事。而面黑舌灰者。當分輕重以攻其血。勿可誤與冷水引領敗血入心。而致不救也。

純灰舌

灰

六十一

舌灰色無苔者。直中三陰而挾冷食也。脈必沈細而遲。不渴不煩者。附子理中湯四逆湯救之。次日舌苔灰色中帶有微黃色者生。如漸漸灰縮乾黑者死。

【註】

純灰而舌本少津者屬裏熱亢甚宜下。舌潤而無煩渴者屬內寒宜溫。有挾食挾飲挾溼及蓄血等因者俱宜

隨證治之。

中灰尖根紅舌



六十二

灰色現于中央而消渴氣上衝。心飢不欲食。食卽吐出者。此熱傳厥陰之候。烏梅丸主之。

【註】雜病中現此舌亦有宜下者。未可執定烏梅一方也。

灰黑乾苔裂紋舌

土邪勝水而舌見灰黑裂紋。涼膈調胃皆可下。十中可救一二。下後渴不止熱不退者不治。

【註】此爲臟腑熱極。或誤犯溫燥之藥所致。宜承氣湯再加

寒涼之劑下之。調胃承氣湯嫌緩。涼膈散微嫌其表也。

六十三



根灰中紅尖黃舌




六十四

【註】從略。

舌根灰色而中紅尖黃者。乃胃腸燥熱之症。若大渴讞語。五六日不大便。轉矢氣者。下之如溫病熱病。惡寒脈浮者。涼夾雙解選用。

灰色重暈舌




六十五

此瘟病熱毒傳遍三陰也。熱毒傳內一次。舌卽灰暈一層。毒盛故有重暈。最危之證。急宜涼膈解毒承氣等下之。一暈尙輕。二暈重。三暈必死。

【註】此苔既爲瘟疫之毒。傳遍三陰。其勢危急。則宜重用大承氣湯合三黃白虎湯以瀉滌之。藥緩不濟急。重暈自疊生矣。

灰黑乾刺舌



六十六

若下之早。令人小便難也。

【註】此苔與灰黑乾苔裂紋舌治法大致相同。

灰黑尖舌



六十七

已經汗解而見舌尖灰黑。有宿食未消。或傷飲食邪熱復盛之故。調胃承氣湯下之。

【註】輕則調胃承氣湯下之。重則大承氣湯下之。

舌  
辨

灰黑尖乾刺舌



紅

六丈

【註】從略。

舌尖灰黑有刺而乾。是得病猶加飲之故。雖證見耳聾脇痛發熱口苦。不得用小柴胡。必大柴胡。或調胃承氣加消導方取效。

灰中黑滑舌

淡淡灰色中間有滑苔四五點如墨汁者。此熱邪傳裏。而中有宿食未化也。大柴胡湯主之。

【註】從略。

六九



灰

灰黑多黃根少舌

黃  
灰

七十

舌灰色而根黃。乃熱傳厥陰。而胃中復有停滯也。傷寒六七日不大便。發熱汗出不止者死。正氣脫也。

**〔註〕**此苦如厚而乾燥。刮之不淨者。乃臟腑實熱而脾胃之火尤熾。故二便閉而燒熱。大渴消水。宜急下劑中。再加

消導寒涼之品方可。輕者調胃承氣湯下之。

舌邊灰黑而中淡紫。時時自囁舌尖。乃少陰厥氣逆上。非藥可治。

邊灰中紫舌

淡紫  
灰

七十一

**〔註〕**瘟疫病多有此舌。治宜三黃瀉心湯加黃柏連翹木香甘草。總之以清血分之毒。化氣分之熱。使從二便以下。若淡紫轉爲藍舌。則邪毒攻心脾胃腐敗。爲難挽矣。

## 紅色舌總論

大紅舌者。伏熱內蓄于心胃。自裏而達于表也。仲景云。冬傷于寒。至春變爲溫病。至夏變爲熱病。故舌色赤。又有瘧癘。一方之內老幼之病皆同者。舌本正赤。而加積苔也。若更多食。則助熱內蒸。故舌紅面赤。甚者面目俱赤。而舌瘡也。然病有輕重。舌有微甚。且見于舌之根尖中下左右。瘡鰓脹爛癟細長短之異形。皆瘟毒大熱蘊化所致也。其所治亦不同。當解者。內解其毒。當砭者。砭去其血。若論湯液。無過大小承氣黃連解毒三黃石膏等。比類推可也。

純紅舌  
舌見純紅色。乃瘟疫之邪熱初蓄于內也。宜破毒散加減。或升麻葛根湯等治之。

〔註〕

全舌淡紅。不深不淺者。無病之正舌也。今見純紅之舌。赤如瘀血。是病舌矣。瘟毒時疫。最多此舌。宜用三黃白虎湯。或大小承氣等湯。偶有表證。乍寒乍熱。頭暈目眩。

脈浮數者。宜薄荷荆芥葛根竹葉生甘草等。以涼散表邪。如暑證見此舌。則宜清涼之劑。無庸發表或攻下也。

紅

七十三

尖紅中淡黑舌

淡黑  
紅

七十三

舌紅中而見淡黑色。有滑者乃大傷瘟疫也。如惡寒有表邪證。雙解散合解毒湯微微汗之。汗罷急下。如急胸煩燥。直視者不治。

【註】從略。

黑  
紅


紅中焦黑舌

七十四

舌見紅色中有黑形爲小舌。乃瘟毒內結于胃。火極反兼水化也。宜涼膈散。若黑而乾硬。以指甲刮之有聲者。急用調胃承氣下之。

【註】紅中焦黑舌。乃較尖紅中淡黑舌更進一步也。病勢既急。下法亦不可嫌峻。

紅中黑斑舌



七十五

見小黑斑星生于紅舌上者。乃瘟熱乘虛入于陽明。胃熱則發斑也。或身上亦兼有紅赤斑者。宜黑參升麻湯。化斑湯等治之。

紅內黑尖舌



七十六

舌本紅而尖黑者。足少陰腫熱乘于手少陰也。  
竹葉石膏湯治之。

〔註〕此舌亦多宜用清心解毒兼下劑。如暑證見此。則宜竹

葉石膏湯。

紅色人字紋裂舌

舌紅甚而又有紋裂者。陽明熱毒重蒸膈上。故見人字紋。宜服涼膈散。如渴甚轉矢氣者。大承氣湯下之。

七十七

〔註〕此舌裂紋如人字川字爻字者是。如渴甚燥熱者。均宜三黃白虎湯或大承氣湯下之。輕則黃連解毒湯加麥冬以潤之。


紅斷橫紋裂舌

相火來乘君位。致令舌紅燥而紋裂作痛。宜黃連解毒陽。加麥冬。寒潤之。

七八

〔註〕治法與紅色人字紋裂舌大致相同。

紅色紅星舌




七九用。

【註】此苔如見大熱大渴。心胸脹滿。宜用苦寒大涼之劑下

之。如爲溼熱發黃。自當茵陳蒿湯之類。

舌紅烷爛舌



八十退再以大承氣下之。

舌紅更有紅點烷爛如蟲蝕之狀。乃水火不能既濟。熱毒熾甚。不拘日數。宜以小承氣下之。不

【註】解毒清火之劑。俱可加用。

紅色紫瘡舌

紅



八十一

瘟疫多有此舌。其證不惡寒。便作渴煩燥或欬痰者。宜解毒湯加黑參。薄荷并益元散治之。尺脈無者必死。戰慄者亦死。

【註】 瘟疫見此舌不必遲疑。當用大承氣湯加川連石膏之類急下之。否則熱毒蘊釀而愈甚。必致正氣衰竭。見戰慄之狀。而脈陷不治矣。

紅中微黃根舌

微黃  
紅

熱入陽明胃府。故舌根微黃。頭汗身涼。小便難者。茵陳蒿湯加梔子香豉。

八十二

【註】 從略。

紅中微黃滑舌

黃

八十三

甚。急用大承氣湯下之。

【註】無病之人常有此舌。是內本伏熱而飲食復有微滯也。

俟其行動卽化不必服藥。

紅脹長出口外舌

舌長大出口外。是熱毒乘心。內服瀉心湯。外砭去惡血。再用片腦人中黃繆舌上卽愈。

長大脹

八十四

【註】內服三黃瀉心湯或大承氣湯。使實熱從腸胃瀉出。

紅  
話舌

紅

紅

八十六

八十五

舌頻出口弄舌餳。至鼻尖上下。或口角左右者。此爲惡候。可用解毒湯加生地黃。效則生。不效則死。

〔註〕全舌如紫而兼瘀。爲疫毒內攻臟腑所致。宜用大承氣湯加川連石膏之類。

舌痿軟而不能動者。乃心臟受傷。當參脈施治。然亦十難救一也。

〔註〕此苦宜別其紅痿之狀。以定虛實之治。淡紅而痿者。宜

補氣血。深紅而痿者。宜涼氣血。赤色而痿。宜清涼臟腑。

紫紅而痿者。宜寒涼臟腑。並攻瀉之。鮮紅灼紅而痿者。

宜滋陰降火。絳紅而痿者。爲陰虧已極之絕證。

舌根紅硬

強硬

八十七

舌根紅硬大者。或邪結咽喉。以致不語者死證也。如脈有神而外證輕。可用清心降火去風痰藥。多有生者。

【註】此苦如舌根脹硬。不能言語。爲風痰上逆。阻於舌根。宜開降豁痰。熄風通絡。若舌本強硬。身熱神昏。外露危象。

者。爲臟腑實熱。宜苦寒瀉下之劑。

紅尖出血舌

出血

八大

舌上出血如濺。此乃心臟邪熱壅盛所致。宜犀角地黃湯。加大黃黃連之類治之。

【註】舌尖出血如濺。宜犀角地黃湯重用犀角加黃連蒲黃炭。外用蒲黃炭五倍子爲末摻之。

紅中雙灰乾舌



八十九

瘟熱病而舌見兩路灰色。是病後復傷飲食所致。令人身熱讞語循衣橫空。如脈滑者。一下便安。如脈濇。下出黑糞者死也。

【註】旣夾有宿食不化。則用寒涼下劑。便出黑糞亦非危證。惟久病而食復。再見此狀。不勝攻下。乃屬可危也。

紅尖白根舌

紅尖是本色。白苔爲表邪。如惡寒。身熱頭痛。宜汗之。不惡寒。身熱煩渴者。此太陽裏證也。五苓散兩解之。

白  
紅

九十

【註】此條所說白苔。如爲白滑之苔。薄白之苔及微膩之胎。宜從其治法。如爲糙白之苔。理應輕清退熱之劑。如爲厚如積粉之苔。則宜涼下之劑。固不可不察也。

紅戰舌

戰舌

九十一

舌戰者顫掉不安蠕蠕瞞動也此證因汗多亡陽或漏風所致十全大補大建中湯選用之  
【註】深紅赤紅而戰紫紅瘀紅而戰多爲實熱之證宜用寒涼或攻下之劑惟淡紅而戰宜用辛溫大補鮮紅而戰

宜用甘寒滋陰

紅短白疱舌

口瘡舌短有疱聲啞咽乾煩燥者乃瘟疫強汗或傷寒未汗兩變此證宜黃連犀角湯三黃湯石膏湯選用之

九十二

【註】從略

疱

紅細枯長舌

細

九十三

舌色乾而長細者。乃少陰之氣絕於內而不通於舌也。縱無他證。脈漸衰絕。朝夕難保。

〔註〕正氣將盡。舌紅細枯長者不治。若實證熱迫臟腑。舌赤

紫而枯細。中間尚有苔垢者。宜三黃白虎湯合大承氣

湯急下之。以救僅存而將竭之陰。

通尖邊紅黑乾舌

承氣湯。

黑乾

九十四

〔註〕從略。

紅

紅尖紫刺舌

汗後食復而見紅尖紫刺。證甚危急。枳實梔子  
豉湯加大黃下之。仍刮去芒刺。不復生則安。再  
生則危矣。

九十五

【註】從略。



紅尖黑根舌

黑

紅

九十六

瘟疫二三日舌根灰黑。急用涼膈散。雙解微下之。至四五日後。火極似水。漸變深黑。下無濟矣。若邪結于咽。目瞑脈絕油汗者。一二日死。

【註】凡此類宜下之舌。下則宜早。下不嫌峻。故涼膈之類。殊嫌其輕。必合三黃白虎承氣爲一法。方無遲疑之誤。

紅嫩無津舌

汗下太過津液耗竭。而舌鮮紅柔嫩如新生。望之如潤而實燥涸者。生脈散人參三白湯治之。然多不應也。

鮮紅

九十七


【註】久病見此舌者宜養陰。用生地元參麥冬天冬玉竹沙參山藥丹皮地骨皮之屬。新病津液受劫而見此舌。宜熄火退熱。用鮮生地汁西瓜汁金汁蔗汁等涼潤之劑。稍加芳香行氣之品以化之。

### 紫色舌總論

紫舌苔者。酒後傷寒也。或大醉露臥當風。或已病而仍飲酒。或感冒不藥而用葱姜。熱酒發汗。汗雖出而酒熱留于心胞。衝行經絡。故舌見紫色而又微白苔也。苔結舌之根尖。長短厚薄。涎滑乾焦。種種不同。當參其原而治之。

純紫舌

紫



紫中紅斑舌

九丈

九十九

【註】從略。

涼膈散。

舌渾紫而又滿舌紅斑。或渾身更有赤斑者。宜化斑湯。解毒湯。俱加葛根黃連青黛。有下證者。

舌。宜大承氣湯。再加寒涼之劑以下之。

傷寒以葱酒發汗。酒毒入心。或酒後傷寒。皆有此舌。宜升麻葛根湯。加石膏滑石。若心煩懊憹不安。梔子豉湯。不然必發斑也。

發斑者。化斑湯加黃連葛根青黛。若瘟疫時病而見此

紫上白滑舌



一百

舌紫而中見白苔者。酒後感寒。或誤飲冷酒所致。亦令人頭痛惡寒身熱。隨證解表可也。

【註】如無表證者。亦可用苦寒清裏之劑。不必泥其爲白苔而主表也。

淡紫青筋舌

舌淡紫帶青而潤。中絆青黑筋者。乃直中陰經。必身涼。四肢厥冷。脈沈面黑。四逆理中湯等治之。

淡紅舌

百一

【註】若深紫而乾澇現青筋者。防是實熱之證。宜細察之。

舌邊紫而中心赤腫。足陽明受邪。或已下便食  
肉。邪熱復聚所致。若赤腫津潤。大柴胡微利之。

若煩躁厥陰脈伏。先用枳實理中。次用小承氣  
湯。



百二

註 從略。

舌上黃苔乾燥舌

嗜酒之人傷于寒。至四五日舌紫。上積乾黃苔者。急用大承氣湯下之。如表證未罷。用大柴胡湯。

乾黃

百三

【註】此苔多爲實熱之證。宜下者。因其苔色已變黃燥也。

若表證未盡。苔必黃而未燥。或黃中猶有未化之白苔。乃可用半表半裏和解之劑。

紫短舌

舌紫短而團闊者。食滯中宮。熱傳厥陰也。急用大承氣湯下之。下後熱退。脈靜舌柔和者生。否則死。

百四

【註】從略。

紫

紫上黃苔濕潤舌

黃濕

淡青紫

百五

黃枳實厚朴甘草。


淡青紫

【註】從略。

舌淡青紫而中有黃溼苔。此食傷太陰也。脈必沈細。心下臍傍按之硬痛。或矢氣者。小承氣。加生附子。或黃龍湯主之。附黃龍湯方。人參大

紫尖苔蓄舌

淡紅



百六

所致。宜小柴胡湯治之。

【註】

此苔乃熱毒中於血分所致。宜三黃湯加犀角連翹銀

花大黃大青之屬清之。

熟紫老乾舌

熟紫  
老乾舌

熟紫

百七

舌全紫如煮熟者。乃熱外傳入厥陰。至篤之兆。  
當歸四逆湯。

【註】宜用苦寒通散之劑。使血開氣達。若溫補之方。不能合

用。

淡紫帶青舌

舌色青紫無苔。且滑潤瘦小。爲直中腎肝陰證。  
吳茱萸湯。四逆湯。急溫之。

青紫

百八

【註】此苔全爲陰寒之象。宜溫中之劑。或再加化痰之品。若

見男子囊縮。婦人乳縮。厥逆筋急直視等證。爲厥陰之

絕證。

淡紫灰心舌

舌淡紫而中心帶灰。或青黑不燥不溼者。爲邪  
傷血分。雖有下證。只宜犀角地黃湯。加酒大黃

微利之。

【註】從略。

灰

淡紫

淡紫

百九

# 徽醬色舌苔總論

徽醬色苔者。乃夾食傷寒一二日間即有此舌。爲傷寒太陰食停胃府之證。輕者苔色應薄。雖腹痛不下利。桂枝湯加橘皮半夏枳壳厚朴。痛甚。加大黃。冷食不消。加干姜厚朴。其苔色厚而痛甚不止者。必危。舌見醬色比黃見黑色尤深。爲土邪傳水之證。必脣口乾燥大渴。雖用大下劑。鮮有得愈者。

純徽醬色舌

百十

氣絕也。

舌見徽色乃飲食填塞於胃。復爲寒邪鬱遏不得外泄。溼氣薰蒸而變此色。其脈多沈緊。其人必燥煩。腹痛。五七日下之。不通必死。太陰少陰

【註】此苔爲實熱之中夾有食滯。理宜苦寒攻下之劑。若寒

邪鬱遏。可佐芳香開導之品。

中微浮厚舌

微厚

百十一

傷寒不戒葷膩。致苔如醬餅。浮于舌中。乃食滯中宮之象。如脈有胃氣不結代。嘴不尖。齒不燥。大便不利者。可用枳實理中湯。加姜汁炒川連。

若舌苔揩去復長如前者。難治。

【註】此苔亦宜寒涼攻下爲先。

微色中黃苔舌

舌微色中有黃苔。乃溼熱之物鬱滯中宮也。

陳湯枳實川連。若苔乾黃。更加酒大黃下之。

微黃

百十二

【註】溼熱之症。宜用此方。實熱之症。則宜大承氣湯。

## 藍色舌苔總論

藍色苔者。乃肝木之色發見於外也。傷寒病久。已經汗下。胃氣已傷。復致心火無氣。胃土無依。肺無所主。木無所畏。故乘膈而上也。如見純藍色。是金木相併。火土氣絕之候。必死。如微藍或稍見藍紋。猶可用溫胃健脾調肝益肺治之。如純藍色者。是肝木獨盛無畏。雖無他證必死。

### 純藍舌

舌見純藍色。中土陽氣衰微。百不一生。勿藥。


(純藍)

百十三

【註】此苔雖多危證。然總爲陽火熱毒。治宜大劑苦寒攻下。

若孕婦舌見藍色者。胎死腹中也。宜下其死胎。

藍紋舌



百十四

〔註〕 從略。

大建中湯等。

舌見藍紋。乃胃土氣衰木氣相乘之候。柴胡去黃芩加炮姜。若因寒物結滯。急宜用附子理中

### 妊娠傷寒舌總論

妊娠傷寒邪入經絡。輕則母病。重則子傷。枝傷果必墜。理所必然。故凡治此症。當先固其胎氣。胎安則子母俱安。面以候母。舌以候子。色潤則安。色敗則死。面赤舌青。子死母存。面舌俱青。沫出者。母子皆死。亦有面舌俱白而皆死者。蓋謂色不澤也。

孕婦傷寒白苔舌

白

百十五

孕婦初傷于寒。而見面赤舌上白滑。卽當微汗以解其表。如面舌俱白。因發熱多飲冷水。陽極變陰所致。當用溫中之藥。若見厥冷煩燥。誠與涼劑。則厥逆吐利而死。

【註】從略。

孕婦傷寒黃苔舌

黃

百十六

妊娠面赤舌黃。五六日裏證見。當微利之。庶免熱邪傷胎之患。若面舌俱黃。此失于發汗經熱入裏所致。當用清熱利水藥也。

【註】從略。

孕婦傷寒灰黑舌

黑

百十七

姪娠面舌俱黑。水火相刑。不必問其日數。子母俱死。而赤舌微黑者。尙可保胎。如見灰黑。乃邪入子宮。其胎必不能固。若面赤者根本未傷。當急以救其母。

【註】從略。

孕婦傷寒純赤舌

純赤

百十八

姪娠傷寒溫熱。而見面舌俱赤。宜隨證汗下。子母無虞。傷寒面色皎白。而舌赤者。母氣素虛。當用姜桂等藥不墜胎。龐安常所言也。若面黑舌赤。亦非吉兆。若在臨月。則子得生而母殞。

【註】從略。

孕婦傷寒、紫青舌

紫青

百丸

孕婦傷寒、卷紅舌

卷短

百二十

【註】從略。

妊娠傷寒而見面赤舌紫。乃酒毒內傳所致。如淡紫或帶青。爲陰證夾食。卽用枳實理中四逆等。恐難爲力也。若面赤舌青。母雖無妨。子殞腹內。急宜平胃散加芒硝下之。

【註】從略。

妊娠面黑而舌乾卷短。或黃黑刺裂。乃裏證至急。不下則熱邪傷胎。下之亦危在頃刻。如無直視循衣撮空等證。十中只救一二。



# 附方備攷

小柴胡湯

柴胡

黃芩

人參

炙甘草

半夏

生姜

大棗

理中湯

人參

白朮

乾姜

炙甘草

大柴胡湯

柴胡

姜半夏

黃芩

白芍

枳實

大黃

生姜

大棗

小承氣湯

大黃

厚朴

枳實

大承氣湯

大黃

芒硝

厚朴

枳實

香蘇散

香附

紫蘇

陳皮

甘草

羌活湯

羌活

防風

黃芩

柴胡

黃連

黃柏

瓜萎

甘草

茯苓

澤瀉

柴胡桂枝湯

柴胡

黃芩

人參

桂枝

白芍

半夏

甘草

生姜

大棗

麻黃湯

麻黃

桂枝

甘草

杏仁

四逆散

甘草

枳實

柴胡

白芍

葛根湯

葛根

麻黃

桂枝

白芍

甘草

生姜

大棗

白虎湯 生石膏 知母 甘草 糜米

三黃湯 黃連 黃芩 黃柏

五苓散 白朮 茯苓 豬苓 澤瀉 肉桂

敗毒散 茉活 前胡 柴胡 川芎 枳殼 伏苓 桔梗 人參 甘草 生姜

芩連治痢湯 黃芩 黃連 枳殼 陳皮 川朴 當歸 桃仁 麻仁

調胃承氣湯 大黃 芒硝 甘草

雙解散 防風 荆芥 連翹 麻黃 薄荷 川芎 當歸 白芍 白朮 桔子 黃芩

石膏 桔梗 甘草 滑石

小青龍湯 麻黃 白芍 細辛 乾姜 甘草 桂枝 半夏 五味子

人參白虎湯 人參 石膏 知母 天花粉 葛根 麥冬 竹葉 糜米

黃連湯 黃連 干姜 桂枝 人參 半夏 麥冬 大棗

生脈散 人參 麥冬 五味子

四逆湯 淡附子 乾姜 炙甘草

涼膈散 連翹 大黃 芒硝 甘草 黃芩 薄荷 桔子

增液湯 大生地 麥冬 元參

增液承氣湯 鮮生地 元參 麥冬 大黃 芒硝

瀉心湯 大黃 黃芩 川連

解毒湯 黃柏 黃芩 黃連 桔子

附子理中湯 附子 人參 白朮 炙甘草 乾薑

茵陳蒿湯 茵陳蒿 桔子 大黃

六味地黃湯 莴肉 山藥 生地黃 丹皮 澤瀉 茶荳 生薑 大棗

補中益氣湯 炙黃芪 陳皮 人參 當歸 白朮 升麻 柴胡 炙甘草

枳實理中湯 枳實 茯苓 人參 白朮 乾薑 炙甘草

達原飲 檜榔 草果 知母 白芍 甘草 黃芩

天水散 滑石 甘草（即六一散）

茵陳梔子湯 茵陳蒿 梔子

三黃白虎湯 黃連 黃芩 生梔子 生石膏 知母 生甘草 糜米

抵當湯 水蛭 蟲蟲 桃仁 大黃

大陷胸湯 甘遂 大黃 元明粉

小陷胸湯 括囊實 黃連 半夏

大順散 甘草 乾薑 杏仁 肉桂

冷香散 生附片 草果仁 橘紅 甘草 生薑

二陳湯 半夏 伏苓 陳皮 甘草 生薑

平胃散 川朴 陳皮 甘草 蒼朮

黃龍湯 大黃 芒硝 川朴 枳實 黃參 甘草 當歸 桔梗 生薑 大棗

備急丸 巴豆霜 乾薑 大黃

大羌活湯 羌活 獨活 防風 細辛 知母 生地 防己 黃芩 黃連 蒼朮 白朮

川芎

黃連解毒湯 黃連 黃芩 黃柏 梔子

炙甘草湯 炙甘草 桂枝 生薑 人參 阿膠 麻仁 麥冬 生地 大棗

烏梅丸 烏梅 細辛 桂枝 附子 人參 黃柏 乾薑 黃連 蜀椒 當歸

三黃瀉心湯 黃連 黃芩 大黃

三黃石膏湯 黃連 黃芩 黃柏 知母 生石膏 生梔子 元參 生甘草

黑參升麻湯 元參 升麻 犀角 赤芍 桔梗 丹參 黃芩 甘草 一方爲黑參升麻計  
草三味)

化斑湯 犀角 元參 石膏 大青 鮮生地 丹皮 知母 生甘草 金銀花

竹葉石膏湯 石膏 半夏 竹葉 人參 甘草 糯米 麥冬

犀角地黃湯 犀角屑 生地黃 丹皮 白芍

十全大補湯 熟地 白芍 當歸 川芎 肉桂 人參 白朮 茯苓 炙甘草 炙黃芪

大建中湯 蜀椒 乾薑 人參 膠飴

黃連犀角湯 黃連 黃芩 焦山梔 川柏 鮮生地 犀角 丹皮 赤芍

石膏湯 石膏 升麻 知母 大黃 機子 薄荷 赤芍 連翹 朴硝 甘草

升麻葛根湯

升麻 葛根

山梔子

白芍

柴胡

黃芩

黃連

木通

甘草

# 跋

潛齋王孟英先生今之名醫也予家眷屬患病延其診治無不手到病除誠神乎術者先生所著醫書其最者卽簡效方急救良方及舌辨三種曩者偶一寓目鈔有副本藏別下齋中洪楊亂後齋亦隨毀藏書全燼惜之去年春予赴王家村宗祠家奠于祠中復見是稿鈔本完好如舊心甚悅之不知爲誰移此得免湮沒噫此豈有鬼神呵護乎然潛齋賓天有年矣聞簡效方急救良方杭州張養之蔣敬堂諸前輩已付梓行世僅此舌辨未見有刻本惜乎予別下齋叢書梓行于前未得將此書刊入誠憾事也爰識數語以待將來

蔣光煦跋